

**ZAPISNIK SA 10. VANREDNE SJEDNICE UO-a SAMOSTALNOG SINDIKATA RADNIKA u  
BHRT-u, održane 15.05. 2017. godine**

**Prisutni:** D. Smital; E. Čengić, N. Žuga; E. Fočo; M. Grbo; D. Miljević; M. Baručija; N. Čordalija; Dž. Kahrica; N. Hodžić; N. Arnautović G. Brkić; B.Hamzagić, S. Topalić, O. Bukić, M. K. Pašalić

**Odsutni:**; T. Maličbegović -

Dnevni red:

**- Aktuelna situacija u BHRT-u**

Rukovodstvo sindikata je informisalo prisutne o sastanku sa UO BHRT-a i generalnim direktorom koji je održan 4. maja, na kojem je od predstavnika sindikata zatraženo od strane članova UO BHRT-a da im se da malo vremena, jer bi se u narednih 7-15 dana mogli desiti neki konkretniji potezi za rješavanje krize u BHRT-u. Također članovi UO BHRT-a su iznijeli da imaju spremne mjere ukoliko u tom periodu ne bude značajnih pomaka u rješavanju problema stabilnog finansiranja BHRT-a.

Nakon toga D. Smital i Dž. Kahrica su telefonski konsultovali sve članove UO sindikata, koji su jednoglasno prihvatili da se UO BHRT-a omogući traženo vrijeme u kojem sindikat neće poduzimati nikakve radikalne poteze, kao i da se vanredna sjednica, ranije dogovorena za 08.05., održi 15.05.

Također, rukovodstvo sindikata je izvijestilo o sastanku sa rukovodstvom DF-a, na kojem ih je upoznao sa ključnim problemima sa kojima se ova medijska kuća susreće.

Rukovodstvo DF-a pružilo je snažnu podršku BHRT-u kao medijskoj kući, kao i radnicima javnog servisa u njihovoj borbi za svoja prava i izrazilo spremnost na svaku saradnju sa Samostalnim sindikatom radnika u BHRT-u i u budućnosti.

Poslanici DF-a u državnom i federalnom Parlamentu uradiće sve što je u njihovoj moći da se problemi u ovoj medijskoj kući počnu rješavati, kako bi bila postignuta finansijska stabilnost i nezavisnost državnog Javnog RTV servisa, a samim tim i nastavak proizvodnje profesionalnog programa.

Nakon duže rasprave koja se vodila na ovoj sjednici zaključeno je da se ponovi dopis prema generalnom direktoru, a u vezi neobjavljivanja saopštenja sindikata u programu BHT1, što je jednoglasno usvojeno.

Sjednici UO se pridružio i generalni direktor, koji je takođe prenio svoje viđenje rješavanja krize u BHRT-u. Dogovoreno je da se 18.05 održi sastanak između generalnog direktora i rukovodstva sindikata, na kojem će biti prezentovane nove informacije o rješavanju problema BHRT-a. Nakon sastanka, rukovodstvo će informisati članove UO o detaljima.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Predsjednik  
SAMOSTALNOG SINDIKATA  
RADNIKA U BHRT-u  
Damir Smital